



## Pab Kho Mob Medicare Phab D Khooskas Pab Ntxiv

Medicare Part D Extra Help Program

Yog koj ua ntawv thov kev pab kho mob Medicare thiab koj yog tau nyiaj tsawg, koj muaj feem ua ntawv thov rau Kev Pab Kho Mob Phab D Khooskas Pab Ntxiv. Tej zaum koj yuav tau kev pab them tej nqi tshuaj.

### Khooskas Pab Ntxiv yog dabtsi?

Pab Ntxiv yog lub npe ntawm kev kho mob Medicare uas pab tau koj them tagnrho lossis ib feem ntawm qhov nqi tseg rau koj them, tagnrho lossis ib feem ntawm qhov koj tau them ua ntej Medicare mam li them thiab txo koj qhov nqi them koj cov tshuaj. Nws muaj ib lub npe rau cov tau nyiaj tsawg uas hu Medicare Low Income Subsidy (LIS).

Koj muaj feem txais tau qhov pab them tagnrho (**full subsidy**), uas pab them feem ntau ntawm koj cov nqi. Qhov pab mentsis (**partial subsidy**) them ib txhia nqi. Cov kev pab them nqi no yog nyob ntawm koj nyiaj khwv tau los thiab lawm yam kev tau los.

### Yuav tau nyiaj npaum cas thiaj tseem tau kev pab?

Tej zaum koj yuav muaj feem txais tau kev pab tagnrho ntawm Khooskas Kev Pab Ntxiv yog koj cov nyiaj tauj xyoo thiab lwm tej kev pab koj tau yog tsawg dua cov nram no:

- **Ib tug neeg:** nyiaj tau los tsawg tshaj \$19,140 thiab lwm cov kev pab los tsawg tshaj \$14,790
- **Muaj txij nkawm nyob ua ke thiab tsis muaj lwm tus nrog nyob:** tau nyiaj tsawg tshaj \$25,860 thiab lwm cov kev pab los tsawg tshaj \$29,520



Yog koj tau tsawg dua li qhov teem rau ib qho kev tau los pab koj (nyiaj tau lossis lwm cov kev pab), koj yuav txais tsis tau tagnrho txoj kev pab no, tiam sis tej zaum koj yuav tau lwm qhov kev pab. Yog li koj yuav tsum ua ntawv thov.

Cov uas yuav tsis suav tias yog lwm cov kev pab yog koj lub tsev, tsheb, tej cuab yeej cuab tam hauv vaj tse, chaw yuav faus neeg, nyiaj npaj cia rau ntees tuag thiab thaj av faus txog li \$1,500 rau ib tug neeg, lossis cov isalas rau txoj sia.

Qhov teem rau nyiaj tau los thiab kev pab lwm yam hloov txhua xyoo. Cov lej nyob hauv daim ntawv qhia no yog rau xyoo 2020. Cov lej tshiab yuav tshwm tuaj rau lub caij nplooj ntoos hlav xyoo 2021. Qhov chaw yuav qhia tau tseeb txog cov txheej txheem tshiab yog hauv online ntawm: [www.medicare.gov](http://www.medicare.gov) lossis [www.ssa.gov/medicare/prescriptionhelp/](http://www.ssa.gov/medicare/prescriptionhelp/). Lossis hu rau 1-800-MEDICARE.

### **Kev Pab Ntxiv them dabtsi?**


Nco cia: “deductible” yog tus nqi koj yuav them ua ntej kev kho mob Medicare Phab D rau tshuaj mas li pab them.

#### **Yog koj tau kev pab tagrho (Full Subsidy)**

- Kev Pab Ntxiv them tus nqi ntau (qhov koj tau them yuav tsum tsawg dua qhov “benchmark” ntawm tus nqi uas yog \$37.96 rau ib lub hlis twg ntawm xyoo 2021)
- koj tsis tau them tus nqi yuav them ua ntej Medicare mam pab.
- cov nqi tshuaj koj yuav tau them koj ntiag tug yuav tsis tshaj \$3.70 rau cov tshuaj tsis muaj npe nrov lossis \$9.20 rau cov muaj koob muab npe.
- tsis muaj qhov tu ncuu kev pab

#### **Yog koj tau qhov uas pab ib feem (Partial Subsidy)**

- koj them ib feem ntawm qhov koj yuav tau them
- qhov koj yuav tau them ua ntej Medicare mam li them tsis tshaj \$89.00
- Qhov koj yuav tau them yog 15% kom txog thaum cov nqi tshuaj tagrho mus txog \$6,350, ces koj qhov ntiag tug rau (cov tshuaj npe tsis nrov ces yog) \$3.60 mus rau \$8.95 (cov tshuaj muaj npe nrov) los sis 5% ntawm cov nqi tshuaj, seb qhov twg siab dua.



## Leej twg thiaj txais tau Kev Pab Ntxiv?

Ib txhia tib neeg yuav cia tau Kev Pab Ntxiv. Yog koj tau pab kho mob Medicare Phab D tam sim no thiab nyob hauv ib pawg nram qab no, koj yuav tsum ua npe rau Kev Pab Ntxiv.

- Muaj Feem Tau Ob Qhov: Qhov no txhais tias koj tau pab kho mob Medicare Phab A thiab/lossis Phab B thiab koj tseem tau mentsis Medical Assistance.
- Ntawm qhov tseg nyiaj Medicare Savings Program (QMB, SLMB, QI)
- Tau SSI

Yog koj nyob ib pawg nov thiab TSIS TAU Kev Pab Ntxiv, tiv tauj Social Security Administration thiab mus ua ntawv thov sai li sai tau.

Koj muaj feem tau Kev Pab Ntxiv yog koj tau pab kho mob Medicare Phab D tam sim no thiab koj nyob hauv cov cai teem rau nyiaj tau los.

## Kuv yuav ua cas thiaj tau Kev Pab Ntxiv?

Koj ua ntawv thov rau Kev Pab Ntxiv no thaum twg los tau. Ua ntawv thov rau hauv Social Security Administration lossis lub hoobkas State Minnesota Medicaid.

Koj ua ntawv thov hauv xov tooj lossis kom xa ib daim ntawv thov tuaj rau koj.

Xov Tooj: 1-800-772-1213

TTY: 1-800-325-0778



Mus ua ntawv thov hauv online ntawm: [ssa.gov/extrahelp/](https://ssa.gov/extrahelp/)

*Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoo lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.*

© 2021 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.